



«ՏԵՍԻԼՔ ՀԱՎԵՐԺԱԿԱՆ»

Այս խորագիրն է կրում Մայր Աթոռի միաբան Ներսես Վանականի (Տ. Ներսես Արքեպիսկոպոս Պողոսյան) քանաստեղծությունների ժողովածուն, որն այս տարվա փետրվարին լույս աշխարհ է հանվել Վենետիկի Ս. Ղազարի տպարանից և որդիական համեստ տուրք է՝ նվիրաբերված հեղինակի ծնողների՝ Մաքրուհի և Գրիգոր Պողոսյանների անմոռանալի հիշատակին։ Մի բան ճիշտ է՝ ձեռակերտ հուշարձանները ժամանակի ընթացքում ավերվում են ե անհայտանում, գրքերը շատ երկար են ապրում, նրանց մահ չկա։

Լավ էին ասում հները. «Գիրս մնայ յիշատակող...»։

Բայց «Հավերժական տեսիլքների» խորհուրդը միայն այս չէ։ Հատորում ամփոփված ընտիր քերթվածները ունեն գեղարվեստական որոշակի արժեք նույնպես։ Նրանք հոգևոր սնունդ են տալիս ընթերցողի մտքին ու երևակայությանը։

Կոչումով լինելով բանասեր և հայրենի գրականության շահերին նախանձախնայիր՝ մեր հետազոտական առօրյայում, տարիների ընթացքում, հետաքրքրվել ենք նաև Մայր Հայրենիքում և Սփյուռքում, մենաստանների հովանու տակ ծաղկող քերթությանը և անկեղծորեն ոգևորվել, երբ լույս աշխարհ եկած այդ մեծ ու փոքր գրքերի մեջ գտել ենք թարմ խոսքեր։ Բայց, պիտի խոստովանել, միշտ չէ, որ կարճ ու երկար հանգաբանությունների հավաքարանները զոհացրել են մեզ իրենց բանաստեղծական մակարդակով և կանոնավոր հայերենով։

Ներսես Վանականի գիրքը մեզ համար անակնկալ էր և՛ հոացումով, և՛ ստեղծագործական արդյունքներով։

Դա երևում է նախ և առաջ քերթվածների խիստ ընտրությունից և նպատակային դասավորությունից։

Գիրքը ծավալով մեծ չէ, բաղկացած է ընդամենը քառասունհինգ բանաստեղծությունից (ավելի ճիշտ՝ 48 ոտանավոր և մեկ պոեմ)՝ տրոհված չորս բաժնի և հորինված շուրջ երեք տարում, 1986 թվականի փետրվարից մինչև 1988 թվականի նոյեմբերն ընկած ժամանակաշրջանում, երբ աշխարհի ու, անգամ, մեզ համար, շատ առումներով՝ մոր կողմերից բացահայտվեց մեր ազգային բնավորությունը, երբ հրապարակային կոչերն ու թեժ պայքարն իրենց հրամայականներով ու կարգախոսներով լուրջ տեղաշարժեր առաջ բերին Մայր Հայրենիքի ու Սփյուռքի և ազգի ու Եկեղեցու կյանքում, ազգային միավորման ու հայության ոտնահարված իրավունքների ճանաչման, արդարության ու գթասրտության, վերածնության ու աշխարհաշինության ճանապարհներին։ Հատորում հանդիպում ենք նաև ավելի վաղ՝ 1985 («Հեռուսական»), 1973 («Արարչություն»), 1977 («Նրան»), 1980 («Սփյուռք») և 1985 («Հովվական») թվականներին հյուսված մեկական բանաստեղծություն, որոնք սակայն, բեկորներ են Ներսես Վանականի անգամ քսան և ավելի տարիների ստեղծագործական աշխատանքի, որի առարկայական արտահայտությունները նա հարկ չի համարել պահպանել ու ժողովրդականացնել, նաև վկայություն, որ արևմտյան հայերենի ընտիր ձևերով համեմված արևելահայերենին նա փարել է վաղուց, իր գրական ուսումնառության առաջին քայլերից։

Ինչպես գրքի խորագիրն է խորհրդանշական՝ «Տեսիլք Հավերժական», այնպես էլ չորս ստորաբաժանումների՝ «Ծրագ Հավատո», «Հող Հայրենի», «Հովվական» և «Մտքի Թևերով»։ Ու բոլորի քնարական հերոսը միևնույն անձն է՝ մերթ երիտասարդ վանական, մերթ էլ կյանքի դառը

փորձություններով անցած կրոնավոր-քարոզիչ, որը Հավատի, Հույսի և Սիրո սերմեր է ցանում մարդկային հոգու խոպան անդաստաններում՝ ազգային մշակույթի ու քաղաքական պատմության վեհ անձերն ու անցքերը ծառայեցնելով սերունդների բարոյական ու հոգևոր դաստիարակության սուրբ գործին, իր ներքին կարոտներն ու խաղաղասերը, իր երկրմտրանքներն ու տատամսումները կիսում ընթերցողի հետ՝ բնավ չկարողանալով գոհացուցիչ պատասխաններ գտնել հավերժական հարցմանը և Հոգու ու Մարմնի անվերջ կովին:

Մերթ ելնում եմ վեր, երկինք,
Սրբության հետ հաղորդվում,
Մերթ իջնում եմ վար, երկիր,
Հոգիս տիղմին թաթախում...

Երբեմն, թեթև ու անհոգ
Սավառնում եմ երկնքում,
Կարծես, լինեմ մի հրեշտակ
Անմեղ, թեթև, թափանցիկ:

Մտածում եմ, մոլորվում
Եվ պատասխան չեմ գտնում ...

Վայելքն էլ է մի հեշտանք,
Զգացական մի պատրանք՝
Հոգին խուճկով պարուրող,
Մարդուն հույսով օրորող...
(«Մի՛ մերձենար յիս...»)

Եվ մեղանչումների ու տարակուսանքների անվերջանալի ճանապարհին է, որ մրա հոգու երկնակամարում առկայծում է հուստ աստղը, ամրապնդվում համոզումն ու հավատը՝ կանգնեցնելով մրան հաստատուն գետնի վրա:

Ներելով է, որ քավում ենք մեղքերը մեր,
Եվ մեռնելով վասն հայրենյաց՝ մոր ենք
Ծնվում,
Անմահության երջանիկ կեանքն ենք ժա-
ռանգում...
(«Աղերս»)

Հավերժական տեսիլքները, որպես այդպիսիք, ցոլանում են ժողովածուի բոլոր բաժիններում, իսկ վերջիններից յուրաքանչյուրն, իր խորհրդապաշտական խորագրից բացի, ունի իր ներքին, կոտ կառուցվածքն ու տրամաբանական ընթացքը, իր գերիշխող գաղափարը, որոնք, ի վերջո, վերածվում են ընդհանուր մատակարարող-վածության միմյանց հետ կապված, միմյանց լրացնող բանաստեղծական շարքերի: «Մրազ Հավատոյի» թեման քրիստոնեու-

թյան լույսով Հայաստանը վերածնելու, հայության առտնին կյանքն ու ճակատագիրը արմատապես հեղաշրջելու ուղղությամբ, Չորրորդ դարի հենց սկզբներին, ձեռք բերված խոշորագույն արդյունքն է՝ Էջմիածնի Մայր տաճարի հիմնադրումը, որի խաղացած դերը ինչպես հին, այնպես էլ մոր դարերում, անչափելի է: Արդարացի է բանաստեղծը, երբ ասում է.

Նա չեղավ լոկ ամրախարհիս ու նյութելեն
մի կերտվածք,
Նա եղավ սյուն, ոգու տաճար, մի ճոր
կյանքի կանչող տապան ...
(«Տեսիլք Հավերժական»)

Ուշադիր քննության դեպքում այս ներքողի մեջ դժվար չէ նշմարել Էջմիածնին նվիրված հնօրյա շարականի ցուքերը, որոնք օգտագործված են նրբին ճաշակով, իբրև լեզվական մանրամասներ կամ բառ-քանդակներ՝ դարաշրջանի շունչը պահելու և առավել պանծացնելու համար այս սրբաբանի անունն ու դերը աշխարհում ու ազգի կյանքում:

Էջ Միածինն ի Հօրէ և լոյս փառաց ընդ
մա,
Զայնք հընչեցին Սանդարամետք անդըն-
դոց ...

Դարեր ու դարեր երգել են Էջմիածնի Մայր տաճարի կամարների տակ, երգել են ու քաջալերել միմյանց թե՛ կրոնավորներն և թե՛ աշխարհականները՝ նվիրվելու ազգային լուսավորության կենսական խրճիթին:

Եկա՛յք, շինեսցուք սուրբ ըզխորանը
լուսոյ,
Քանգի ի սմա ծագեսց մեզ լոյս ի
Հայաստան աշխարհի ...

Ներսես Վանականը վերաբծարծելով հենց այս հնօրյա պատգամը՝ ծավալում է իր մոր մեղեդին հանդիսավոր ու բազմալար, որի վերածնողը, կարծես, միջնադարյան հայոց ձեռագիր մատյանների մանրանկարները դիտի, այնքան ընկալելի են և առարկայական:

Լույսն առավել պայծառացավ, կարծես,
բացվեց մի պատուհան
Երկնի վրա լուսապայծառ, և այդ լույսի
հեղեղի հետ
Իջավ աշխարհն Այրարատյան Աստված-
որդին ոսկեպսակ,
Աստվածորդին այն փառահեղ, պերճ
գգեստով՝ ոսկի արծաթ,

Բեհեզներով ազնվական, հազար սկամբ՝
զմրուխտ, հակինթ,
Իջալ աշխարհն Այրարատյան ու իր ձեռքի
ոսկի ուռամբ
Բախեց գլխին ժանտ վիշապի, Սանդարա-
մետը դրողաց,
Եվ աստվածներն հին կրոնի ու մագդեզի
վառ ստրուշանք
Դարձան մոխիր ու ավերակ, դարձան
անցյալ ու հիշատակ ...
(«Տեսիլք Հավերժական»)

Էջմիածնի խորհրդին հետևում է ընդա-
մենը մեկ դար անց տեղի ունեցած՝ մեր
պատմության երկրորդ մեծ խորհուրդը՝ Հա-
յոց գրերի գյուտը Մեսրոպ Մաշտոցի հան-
ճարով։ Այս հավերժական տեսիլքն ևս
վերարտադրված է բանաստեղծական ինք-
նուրույն խոսքով՝ դիմելով հարցում-պա-
տասխանների, քնարական զեղումների,
խորախորհուրդ տեսիլքների։

Ամենահուզիչ դրվագն այս բաժնի՝ Տի-
րամոր ձոնված ներքողյանն է, օրինակելի
իր կատարման մեջ։ Քրիստոնեական աշ-
խարհի ամենագթառատ էությունը մեր բա-
նաստեղծին ներկայանում է բացառապես
հողանյութ ձևերի ու արտաքին բարեմաս-
նությունների միջոցով, որոնց օգնությամբ
ու, միաժամանակ, երևակայական ուժով՝
ընթերցողն իր կարելիությունների սահ-
մաններում վերստեղծում է Տիրամոր աստ-
վածային ներքինը, նրա բարի հոգին՝ բնու-
թյան մեջ ու բնության հետ զուգորդված,
երբեմն՝ Գրիգոր Նարեկացուն օգնության
կանչելով, բայց ո՛չ նրան կրկնելով, որով-
հետև նման հարցերում Գրիգոր Նարեկա-
ցին (ինչպես Պետրարկան՝ եվրոպական
ազգերի համար) հավերժական ուսուցիչ է,
և վա՛յ այն աշակերտին, որը քննություն
հանձնելիս ձախողվում է ...

Ներսես Վանականը, և այդ մեծք ընդգը-
ծում ենք, պատվով է դուրս եկել քննու-
թյունից՝ ծավալելով իր նոր, նուրբ ու քնն-
քնն մեղեդին։

Գեղեցկություն լուսաշող ...
Աչքեր ծավի, ծով ծիծաղ,
Քաղցրահնչյուն մեղեդի,
Լույս հորիզոն հույսերի։

Ունքեր՝ կամար հրեղեն,
Գալիք փառքին դիմավոր,
Գունեղ գոտի ծիրանի,
Կյանք ու երազ՝ կողք-կողքի։

Ծուրթեր՝ թերթեր վարդերի,
Ծողով շաղված վաղորդյան,
Ո՛չ մի խոսք դեռ չի եղծել
Կուսական գեղն սողարտել։

Այտեր՝ մարմար լուսերանգ,
Ո՛րմակ, մաքուր, թափանցիկ,
Ու իբրև կյանք ու խայտանք
Փթթող ժպիտդ է շոյանք։

Չկա շպար երկրային
Համեմատվող քո գեղին,
Աստվածային քո տեսքին,
Քո կատարյալ էության։
(«Տիրամայր»)

Առաջին բաժնի, ինչպես և ժողովածվի
ամենաճավալուն երկը «Ավանդ Հավեր-
ժական» վիպապն է՝ Գրիգոր Լուսավորչի
գործունեության և խոր Վիրապի հետ
կապված հրաշքների մասին։ Եվ մեր հեղի-
նակի գրչի տակ մարմին առած այս նոր
կերպարը մի որոշ առումով հիշեցնում է
հայոց ազգային վեսիի հերոս Սասունցի
Դավթին, որի դեմ նույնպես սնգոր է Չա-
րը՝ իր նյութած բոլոր խարդավանքներով։
Ներսես Վանականի վիպապնում էլ, հեր-
թական փորձություններից հետո, իսկ դը-
րանք բավականաչափ շատ են (և շատե-
րին հայ ընթերցողը արդեն ծանոթ է «Ա-
զաթանգեղյա պատմություն» հին մատյա-
նից, Խորենացու պատմագրքից ու վար-
քագրական հուշարձաններից), կրկին
հայտնվում է Անակի որդի Գրիգորը և ձա-
յնում. «Կենդանի եմ...», հարկավ, բարոյա-
կան ու հոգեկան իր զորությունն ստանա-
լով Փրկչից։

Հայոց պատմության այս շրջադարձա-
յին ժամանակներին անդրադարձել են
անցյալի ուրիշ բանաստեղծներ էլ։ Օրինակ՝
Յովհան Միրզա Վանանդեցին մի վիթխա-
րի պոեմ է շարադրել՝ «Արփիական Հա-
րստտանի» խորագրով՝ բաղկացած շուրջ
10.000 երկարաշունչ տողից և տպագրված
Կ. Պոլսում, 1836-ին։ Բայց այն դժվարա-
մարս ու խրթին լինելու պատճառով ան-
նկատելի մնաց ու մոռացվեց։

Ներսես Վանականի նոր վիպապնը
զգաստ մտքի ծնունդ է։ Թեպետ այս պա-
տումի հիմքում ևս հնօրյա լեգենդներն ու
հրաշագործություններն են ընկած, բայց
ստավել տաք գույներով և իրականության
ու հրաշքների պատշաճ զուգորդմամբ՝ կա-
պելով դրանց նաև հայոց հոգևոր կյանքում
սկիզբ առնող տեղաշարժերի գալիք հեռա-
նկարները։

Խոսում խորագիր ունի ժողովածվի երկ-
րորդ բաժինը՝ «Հայրենի Հող»։ Այս շար-
քում ընդգրկված բանաստեղծություններն
ևս կոչված են որոշելու գրքի դիմագիծը՝
առնելով այն որոշակի շրջագծի մեջ։ Հե-
ղինակի ուշադրության կենտրոնում հիմա
էլ հայ ժողովրդի քաղաքական պատմու-

թյունն է, հանուն գոյատևման մղած պայքարի դրվագները, պայքար անվերջ, անկատարական ու օրհասական.

Գողգոթայի արյան լճից
Բողբոջեցին կարմիր վարդեր,
Ըմբոստացավ Հայը կրկին
Ու մաքառեց, ու ծառացավ
Դահիճների ու մահվան դեմ ...
(«Հերոսական»)

Ներսես Վանականի հերոսները, բացառությամբ մեկի, անանուն են՝ հայրուկներ ու կամավորներ, տարագիրներ ու զոհեր, որոնք մարտնչել ու տոկացել են Վանում ու Զեյթունում, Տարոնում ու Սասունում, Մուսա Լեռան բարձունքներում և Տեր Զորի շիկացած արևի տակ: Այս շարքի բանաստեղծությունների մեջ, հաջորդաբար, ներբողվում են մահ Հայաստանի բնության հրաշք կոթողները՝ Արագածը, Արարատը, Սևանը, և բոլորի հետ՝ մի անմահ անուն, ազատ Լեռների արծիվ, զորավար Անդրանիկը: Հեղինակը բանաստեղծական կերպարանք է տալիս տասնամյակներ շարունակ փայփայվող մի համագգալին բաղձանքի՝ Արարատյան դաշտում, Մասիսների դիմաց, հայրենի հողին վերջապես պահ տալու Անդրանիկի հերոսական աճյունը՝ օտար ափերից տուն բերելով և հայ քաջորդուն վայել արարողությամբ հավիտենական ճանապարհ դնելով նրան:

Օտար հողում վաթսուն տարի
Բավ է ճնջես վտարանդի.
Ե՛կ, տո՛ւն դարձիր, հերո՛ւտ արի,
Վրեժդ արդար Հայոց ազգի ...
(«Պանդուխտ քաջին»)

Հագիվ թե հապաղելն այլևս առաքինություն կամ դիվանագիտական նկատառում համարվի:

Ժողովածվի վերջին բաժիններն, ըստ էության՝ խառը բանաստեղծություններ են ամփոփում, որոնք, մասամբ, կրկնում են արդեն ծանոթ գույքներն ու մեղեդիները, մասամբ էլ վերարտադրում քնարական հերոսի պաշտոնական ուղևորությունների ու պարտականությունների կատարման կարճատև միջնարարներին Հայաստանի ճարտարապետական հին հուշարձաններից՝ կանգուն ու ավերակ վանքերից ու մեհաստաններից և հայրենի բնության գողտրիկ անկյուններից ստացած անջնջելի տպավորությունները, որոնք բանաստեղծի գրչի տակ վերածում են քնարական օրագրու-

թյունների՝ ուշագրավ խորքով ու, մերթ էլ, ալլաբանական բովանդակությամբ.

Սարերի վրա մի արծիվ խաղաղ
Շախտում է հպարտ, շուրջապար է անում,
Թևերն երկնքի ամպին է քսում
Ու սուրում թափով, ձորերն է չափում:

Զմրուխտ սարերից գեփյուղն է բերում
Բյուր առվակների կարկաչն ըղձալի,
Անդին գառներն են մայում, թռչկոտում,
Բզեզ ու ճպրոտ կյանքն են գովերգում:

Քիչ հետո հանդարտ սև ամպն է գալիս,
Որոտում, հորդում հեղեղի մման.
Սև ամպի տակից արևն է շողում,
Երկինքն իր ճակտին կապում ծիածան:
(«Գեղարդի ճամփին»)

Եվ այսպիսի ավարտում ու ընտիր քերթվածները քիչ չեն գրախոսվող ժողովածվում, որ և հեղինակի ստեղծագործական անվիճելի նվաճումն է:

Նկատենք մահ, որ բավականաչափ լայն է վերջին բաժինների տարածական շառավիղը, հարկավ գեղագիտական առումով: Հեղինակի ապրումներին ու տրամադրություններին սնունդ են տվել ո՛չ միայն Հայաստանի վայրերը, այլև Լեմանը, Լոնդոնը, Ասսիզը, որոնք մոտոյա հայ վանականի ներշնչումների ակունքները բացահայտելուց բացի, ունեն մահ ճանաչողական նշանակություն:

«Տեսիլք Հավերժականը» ձևավորված է զուսպ ու ճաշակով: Ծափկի նկարը մի դրվագ է ժողովրդական նկարիչ Գրիգոր Խանջյանի «Ս. Գրիգոր Լուսավորչի տեսիլքը» գորելենից, որի բնօրինակը զարդարում է էջմիածնի Վեհարանի ընդունարանի հյուսիսային պատը: Ժողովածվի ընդհանուր գաղափարը և Խանջյանի ստեղծագործության ոգին այդ առումով դաշն են միմյանց հետ:

Գրքում մեկ-երկու տեղ նկատվում են ուղղագրական գույգ ձևերի համագոր կիրառության օրինակներ (ճամփա-ճամբա, բարդի-բարտի), երկու վրիպակ՝ կնքող, ամբ (պետք է լիներ՝ կնգող, ամպ), ու մի քանի անհարթ տողեր, որոնք, կարծում ենք, հեղինակն ինքն արդեն նկատած կլինի և կուղղի քերթվածների հետագա հրատարակությունների մեջ, իսկ սույն ժողովածվի շատ էջեր դրան արժանի են:

Պ. ՀԱԿՈԲՅԱՆ

Բանասիրական գիտությունների դոկտոր,
պրոֆեսոր